



**REPUBLIKA E SHQIPËRISË
KOMITETI I INVESTIMEVE STRATEGJIKE**

V E N D I M

NR. 1/8 DATË 15 / 07 / 2021

**PËR MIRATIMIN E STATUSIT “INVESTIM/INVESTITOR STRATEGJIK
PROCEDURË E VEÇANTË” PËR PROJEKTIN E INVESTIMIT “ZONA
TEKNOLOGJIKE DHE E ZHVILLIMIT EKONOMIK (TEDA) TIRANË”, ME
SUBJEKT PROPOZUES BASHKIA TIRANË**

Në mbështetje të Nenit 9, 17, 18, 21 dhe 22 të Ligjit Nr. 55/2015, “Për investimet strategjike në Republikën e Shqipërisë”, i ndryshuar, Ligjit Nr. 9789, datë 19.7.2007 “Për Krijimin dhe Funksionimin e Zonave Ekonomike”; të Vendimit të Këshillit të Ministrave Nr. 1026, datë 16.12.2015 “Për vlerësimin e dokumentacionit të investimeve strategjike”, Komiteti i Investimeve Strategjike, me propozim të Agjencisë,

VLERËSOI:

- Komiteti i Investimeve Strategjike, me Vendimin Nr. 1/4, datë 04 / 05 /2020 "Për miratimin e statusit “Projekt me potencial strategjik Zona Teknologjike dhe e Zhvillimit Ekonomik (TEDA) Kashar”, me subjekt propozues Bashkia Tiranë", ka vendosur:

Miratimin e Statusit “Projekt me Potencial Strategjik” për projektin e investimit “Zona Teknologjike dhe e Zhvillimit Ekonomik (TEDA) Kashar” propozuar nga Bashkia Tiranë.

Statusi “Projekt me potencial strategjik” i jepet projektit të investimit “Zona Teknologjike dhe e Zhvillimit Ekonomik (TEDA) Kashar” propozuar nga Bashkia Tiranë, për një periudhë 1 (një) vjeçare. Brenda kësaj periudhe, Bashkia Tiranë duhet të aplikojë për përfitimin e statusit përfundimtar ‘Investim/investitor strategjik, procedurë e veçantë’.

- Brenda këtij afati, Bashkia Tiranë, me shkresën Nr.13125 Prot. datë 29.3.2021 ka paraqitur pranë AIDA-s dokumentacionin për aplikim për marrjen e statusit

Investim/Investitor Strategjik me Procedurë të Veçantë për krijimin dhe funksionimin e Zonës së Teknologjisë dhe Zhvillimit Ekonomik (TEDA) Tiranë.

- Ndryshimi i emërimit nga TEDA Kashar në TEDA Tiranë është bërë me kërkesë të palës aplikuese.
- Subjekti aplikues propozon zhvillimin e projektit Zona Teknologjike dhe e Zhvillimit Ekonomik (TEDA) Tiranë, i cili synon të zgjerojë gamën e industrive operuese në treg, duke krijuar diversifikim për të tërhequr industri prodhuese komplekse, siç janë industria automobile, ICT, industria e pajisjeve elektronike, etj.
- Projekti i propozuar shtrihet në një sipërfaqe trualli prej afërsisht 35 ha, në njësinë administrative Kashar, Bashkia Tiranë dhe pozicionohet në zonën Yzberisht, Gropaj dhe Kashar, përkatësisht në zonat kadastrale ZK. 3866, ZK. 1867 dhe ZK. 2105.
- Projekti propozohet të realizohet nga Bashkia Tiranë, institucioni zhvillues i zonës, në bashkëpunim me institucionet e tjera publike sipas planit të veprimit.
- Vlera e investimit të projektit me potencial strategjik “TEDA Tiranë” plotëson kriteret e parashikuara nga legjislacioni për investimet strategjike. Vlera e investimit parashikohet të jetë 16 (gjashtëmbëdhjetë) milion Euro, pa përfshirë vlerën e investimit të operatorëve, duke punësuar 5000 – 7000 punonjës.
- Projekti është në përputhje me parashikimet e legjislacionit të investimeve strategjike, pasi sektori strategjik i Zonës së Teknologjisë dhe Zhvillimit Ekonomik, përfshin investimet strategjike në lidhje me ndërtimin, mirëmbajtjen dhe administrimin e parqeve industriale/teknologjike e të inovacionit, si dhe pajisjen me infrastrukturën e nevojshme për prodhim, zhvillim industrial, tregtimin dhe ofrimin e shërbimeve të lidhura me veprimtaritë që ushtrohen brenda tyre.

Në përfundim, pasi u njoh me gjithë dokumentacionin e nevojshëm,

KOMITETI I INVESTIMEVE STRATEGJIKE

VENDOSI:

1. Miratimin e Statusit “Investim/Investitor strategjik, Procedurë e Veçantë” për projektin e investimit “Zona Teknologjike dhe e Zhvillimit Ekonomik (TEDA) Tiranë” propozuar nga Bashkia Tiranë, sipas gjurmës në Aneksin 1, bashkëlidhur.

2. Projekti parashikon realizimin e një Zone të Teknologjisë dhe Zhvillimit Ekonomik me qëllim tërheqjen e investimeve të huaja dhe teknologjive të reja dhe teknologjive të informacionit, hapjen e vendeve të reja të punës, nxitjen e zhvillimit ekonomik të qytetit të Tiranës duke futur industri që përmbushin standarde ndërkombëtare me produktivitet të lartë, në një sipërfaqe trualli prej 35 ha, në njësinë administrative Tiranë.
3. Statusi “Investim/Investitor strategjik, Procedurë e Veçantë” i jepet projektit të investimit “Zona Teknologjike dhe e Zhvillimit Ekonomik (TEDA) Tiranë” propozuar nga Bashkia Tiranë, për një periudhë 4 (katër) vjeçare.
4. Në përputhje me legjislacionin për investimet strategjike, përkatësisht neni 22, neni 24 i Ligj Nr.55/2015 “Për investimet strategjike në Republikën e Shqipërisë”, i ndryshuar, masat mbështetëse që i jepen projektit janë si më poshtë:
 - a) Shpronësimet e tokës në njësinë administrative Kashar, në zonën Yzberisht, Gropaj dhe Kashar, përkatësisht në zonat kadastrale ZK. 3866, ZK. 1867 dhe ZK 2105 realizohen nga Agjencia Shtetërore për Shpronësimin në përputhje me legjislacionin në fuqi për shpronësimet.
 - b) Ndërtimi i rrugës lidhëse, sipas projektit të dakordësuar ndërmjet Bashkisë Tiranë dhe Autoritetit Rrugor Shqiptar;
 - c) Lidhja e energjisë elektrike të TEDA Tiranë, sipas versionit të dakordësuar ndërmjet OSHEE, OST dhe Bashkisë Tiranë;
 - d) Lidhja me rrjetin e ujësjellësit, sipas dakordësimeve të Ujësjellës Kanalizime Tiranë sh.a. dhe Bashkisë Tiranë.
 - e) Asistencë e mëtejshme për përfitimin e statusit përfundimtar ‘Investim/investitor strategjik, procedurë e veçantë’.
5. Agjencia Shtetërore për Shpronësimin, në zbatim të Ligjit Nr.8561, datë 22.12.1999 ”Për shpronësimet dhe marrjen në përdorim të përkohshëm të pasurisë pronë private për interes publik” të ndryshuar, kryen të gjitha procedurat përkatëse për shpronësim dhe ministri përgjegjës për zhvillimin urban propozon në Këshillin e Ministrave kërkesën për shpronësim të sipërfaqes së synuar në favor të Bashkisë Tiranë.
6. Ministria përgjegjëse për ekonominë, në zbatim të nenit 14/1 të VKM Nr. 646/2015, duke u bazuar në dokumentacionin e dorëzuar nga Bashkia Tiranë,

propozon në Këshillin e Ministrave shpalljen e Zonës (TEDA) dhe Zhvilluesit të saj Bashkinë Tiranë.

7. Mënyrat, procedurat, afatet dhe organet zbatuese për ofrimin e masave mbështetëse përcaktohen edhe në planin e veprimit që i bashkëlidhet këtij vendimi.
8. Në rast se përgjatë zhvillimit dhe zbatimit të projektit me potencial strategjik “TEDA Tiranë” konstatohen të dhëna të pavërteta, të rreme apo ndryshime të të dhënave të dala rishtazi, mbi bazën e të cilave nuk do të ishte vendosur për miratimin e statusit “Investim/Investitor strategjik Procedurë e Veçantë” të këtij projekti, Komiteti i Investimeve Strategjike, ka të drejtë të revokojë vendimin për dhënien e statusit strategjik.
9. Ky vendim i njoftohet investitorit si dhe publikohet në regjistrin e investimeve strategjike.
10. Ngarkohet Ministria e Financave dhe Ekonomisë për propozimin në Këshillin e Ministrave të projektvendimit për shpalljen e zonës TEDA dhe Zhvilluesit të saj Bashkinë Tiranë.
11. Ngarkohet ministria përgjegjëse për zhvillimin urban për propozimin në Këshillin e Ministrave të projektvendimit për shpronësimet të sipërfaqes së synuar në favor të Bashkisë Tiranë.
12. Ngarkohet Autoriteti Rrugor Shqiptar për ndërtimin e rrugës lidhëse, sipas projektit të dakordësuar me Bashkinë Tiranë, pra projektit nga Rruga “Çarja e Zaltës” - rruga “Kasem Caushi” - “Kostandin Kristoforidhi” dhe “17 Nëntori” me rrugën dytësore të autostradës Tiranë - Durrës, si dhe nëpërmjet rrugës “Tre Dëshmorët” me rrugën “Konferenca e Pezës”. Gjatësia rrugore e këtij varianti është 4.5 km.
13. Ngarkohen Operatori i Sistemit të Transmetimit dhe Operatori i Shpërndarjes së Energjisë Elektrike për lidhjen dhe furnizimin me energji elektrike të TEDA Tiranë, sipas alternativës së dakordësuar.
14. Ngarkohet Ujësjiellës Kanalizime Tiranë sh.a. për lidhjen me rrjetin e ujësjiellës të TEDA Tiranë.
15. Ngarkohet Bashkia Tiranë për ndjekjen e të gjithë procedurave dhe proceseve, deri në realizimin e projektit TEDA Tiranë.

16. Referuar Vendimit të Këshillit të Ministrave Nr. 575 datë 24.06.2015 “Për miratimin e kërkesave për menaxhimin e mbetjeve inerte” ngarkohet Bashkia Tiranë për përcaktimin e vend depozitimit të mbetjeve inerte.
17. Ngarkohet Agjencia Shqiptare e Zhvillimit të Investimeve për monitorim të realizimit të projektit të investimit

Ky vendim hyn në fuqi menjëherë.

KRYETARI I KOMITETIT TË INVESTIMEVE STRATEGJIKE

KRYEMINISTRI

EDI RAMA

PLANI I VEPRIMIT

PËR REALIZIMIN E PROJEKTIT ME POTENCIAL STRATEGJIK TEDA TIRANË

Përmbajtja e planit të veprimit

Plani i veprimit për realizimin e një projekti me potencial strategjik, përcakton:

- Procedurat lehtësuese që do të zbatohen për realizimin e investimit strategjik dhe afatet e përshpejtuara brenda të cilave duhet të kryhen;
- Shërbimet ndihmëse që do të ofrohen ndaj projektit strategjik;
- Masat mbështetëse që do të nevojiten për mbështetjen e investimit strategjik;
- Organet përgjegjëse për zbatimin e investimit strategjik;
- Detyrat përkatëse për secilin organ të përfshirë në realizimin e investimit strategjik;
- Programin e punës për realizimin e investimit strategjik të detajuar në faza;

Zbatimi i planit të veprimit

Plani i veprimit ndiqet dhe zbatohet nga Agjencia Shqiptare e Zhvillimit të Investimeve, e cila koordinon veprimtarinë me organet e tjera shtetërore dhe me investitorin.

Autoritetet publike, të përfshira në mënyrë direkte apo indirekte në realizimin e një investimi strategjik, kanë detyrimin ligjor në lidhje me trajtimin me prioritet të procedurave dhe brenda afateve të përshpejtuara. Këto organe kanë detyrimin ligjor që të bashkëpunojnë dhe t'i japin Agjencisë, sqarime, informacione, lejet, licencat, autorizimet, mendimet dhe dokumentet e nevojshme në lidhje me përgatitjen, zbatimin dhe realizimin e një projekti investues strategjik.

1. Informacione të përgjithshme mbi Planin e Veprimit të projektit TEDA Tirana

Ky plan veprimi për realizimin e Projektit të Investimit “TEDA Tiranë”, projekt me potencial strategjik, përcakton masat, procedurat dhe afatet, në lidhje me shërbimet dhe lehtësimin e procedurave për hartimin dhe zbatimin e projektit investues strategjik, në të cilin

përcaktohen angazhime, detyra dhe afate konkrete për institucionet qendrore dhe njësitë e qeverisjes vendore, për të gjitha fazat e realizimit dhe zbatimit të projektit.

Plani i veprimit u hartua pasi propozimi i paraqitur mbi investimin strategjik të Projektit TEDA Tiranë është vlerësuar paraprakisht dhe ka një rekomandim pozitiv për Komitetin e Investimeve Strategjike në lidhje me miratimin e tij. Autoriteti përgjegjës për miratimin e planit të veprimit për çdo projekt strategjik të miratuar është Komiteti i Investimeve Strategjike.

2. Hapat procedurale

Masat mbështetëse të kërkuara janë si më poshtë vijon:

Masat e kërkuara	Rekomandimi	Institucioni përgjegjës	Procedura për masën e kërkuar e detajuar në faza. Detyrimet sipas institucioneve përgjegjëse	Dokumentacioni i nevojshëm që duhet të paraqesë subjekti	Afati	Kosto
Shpronësimet e tokës.	PO	MINISTRIA PËRGJEGJËSE PËR ZHVILLIMIT URBAN ASHSH	Ligji Nr.8561, datë 22.12.1999 "Për shpronësimet dhe marrjen në përdorim të përkohshëm të pasurisë pronë private për interes publik" i ndryshuar. ASHSH është e gatshme për t'u angazhuar me Bashkinë Tiranë	Bashkia Tiranë duhet të paraqesë: Projektet e nevojshme dhe të miratuara sipas ligjit, si dhe argumentet përkatëse ligjore për interesin publik, lidhur me realizimin e këtyre projekteve. ç) Vlerësimi paraprak i	Pas miratimit të statusit nga KIS.	Llogaritet nga Bashkia Tiranë.

			dhe të gjithë aktorët me qëllim realizimin e procedurës së shpronësimit në përputhje me legjislacionin e shpronësimeve.	objekteve të shpronësimit dhe i masës së shpërblimit që parashikohet për secilin pronar privat. d) Lejet dhe miratimet përkatëse nga organet kompetente sipas ligjit, në përputhje me natyrën dhe llojin e projektit që kërkohet të realizohet. dh) Aktet që vërtetojnë mënyrën e realizimit të projektit, nga vetë kërkuesi i shpronësimit ose me të tretë, si dhe afatet përkatëse. e) Lista e pronarëve të pasurive pronë private për të cilat kërkohet shpronësimi, lista e pronarëve, pasuritë private të të cilëve zhvlerësohen për	
--	--	--	--	---	--

				shkak të shpronësimit, si dhe lista e personave të tretë që duhet të kompensohen për të drejtat e tyre mbi pasuritë pronë private që kërkohet të shpronësohen, së bashku me shpjegimet dhe të dhënat e nevojshme për secilin prej tyre, me parashikimet përkatëse për vlerësimin e këtyre pasurive dhe të drejtave, si dhe adresat dhe vendbanimi më i fundit i njohur i pronarëve dhe personave të tretë përkatës. ë) Dokumentet që vërtetojnë shkaku të shpronësimit, sipas nenit 8 të këtij ligji		
Ndërtimi i rrugës lidhëse.	PO		Për masën në fjalë, ARRSH do të realizojë: - Bashkë- rendimin e			

			variantit të përzgjedhur me planet urbane dhe rrugët kombëtare e lokale; - Marrjen e masave paraprake për disponimin e tokës(shpronësim për interes publik) referuar ligjit 8561, datë 22.12.1999; - Parashikimi në PBA 2022-2024 të hartimit dhe zbatimit të projektit; - Hartimin e projektit të detajuar referuar VKM Nr.628, datë 15.07.2015; - Në vitin 2022 prokurimi i konsulencës dhe projekt zbatimit referuar ligjit Nr. 162/2020 për prokurimin publik; - Kërkesa për alokimin e fondeve buxhetore mbi vlerën e projektit			
--	--	--	--	--	--	--

			të zbatimit; - Zbatimin dhe Mbikëqyrjen e punimeve referuar ligji Nr. 8402, datë 10.09.2018 dhe udhëzimi Nr.3 (i ndryshuar) datë 15.02.2001; Plani i veprimit të Bashkisë. -Hartimi i projektit teknik dhe preventivit. -Miratimi në Këshillin teknik. -Planifikimi i fondeve të investimit. -Kryerja e procedurave të prokurimit (Ndërtim-Montim-Mbikëqyrje, Kolaudim). -Fillimi i punimeve.			
Lidhja e energjisë elektrike.	PO		Ligj nr. 43/2015 "Për sektorin e energjisë elektrike", (ndryshuar me ligjin Nr. 7/2018,	Në fazën e parë skenari me propozimin për lidhjen me fidera TM për një fuqi te instaluar deri		Bashkëpunim OST- OSHEE-BT në përputhje me statusin aktual dhe të

			datë 15.2.2018) Rregullorja e procedurave për lidhjet e reja dhe modifikimin e lidhjeve ekzistuese me rrjetin e transmetimit” miratuar me Vendim të ERE-se Nr.87, datë 20.04.2018 Rregullorja e procedurave të paraqitjes dhe miratimit të planit të investimeve nga operatorët e transmetimit dhe shpërndarjes së energjisë elektrike miratuar me vendim të ERE Nr.135, datë 06.09.2017 Kodi i Transmetimit Kodi i Matjes Duke konsideruar që afati kohor për thithjen e kapaciteteve të	ne 8 MW Në rastin e ndërtimit të N/Stacionit 110/TM, mbetet për t’u saktësuar konfigurimi i tij (nëse do jetë vetëm në funksion të TEDA Tiranë, apo do të shfrytëzohet me plane zhvillimore edhe nga OSHEE). Koordinim trepalësh OST-OSHEE-BT.		pritsëm të projektit dhe ligjit 55/2015 ‘Për Investimet Strategjike Në Republikën e Shqipërisë’
--	--	--	--	---	--	--

			plota (2x20 MW) do të jetë pas 2 deri në 5 vjetësh, OSHEE shprehet e gatshme që, për një kapacitet fillestar deri ne 8 MW, për variantin (nënstacion i integruar qe i përgjigjet politikave zhvillimore të zonës, i përbashkët për projektin TEDA dhe zonën Kashar -Mëzez me kapacitet 2x40 MW dhe me vendndodhje në zonën TEDA, me kosto 6 mln Euro) dhe për variantin (nënstacioni integruar që i përgjigjet politikave zhvillimore të zonës, i përbashkët për projektin TEDA dhe zonën Kashar- Mëzez me kapacitet 2x40 MW dhe me vendndodhje			
--	--	--	--	--	--	--

			në nënstacionin ekzistues të Mëzezit duke e rikonstruktuar në një nënstacion 110/20 KV dhe duke e zgjeruar sipërfaqen ekzistuese nga 2000 m², në 3500 m², me kosto 6 mln Euro), OSHEE është e gatshme të plotësojë nevojat për energji duke mundësuar rikonfigurimin e rrjetit të shpërndarjes sipas regjimit të punës që ka rrjeti ekzistues në zonë. Ndërsa për nënstacionin e integruar që i përgjigjet politikave zhvillimore të zonës, i përbashkët për projektin TEDA dhe zonën Kashar- Mezez me kapacitet 2x40 MW dhe me vendndodhje			
--	--	--	---	--	--	--

			nënstacionin ekzistues të Mëzezit duke e rikonstruktuar në një nënstacion 110/20 KV dhe duke e zgjeruar sipërfaqen ekzistuese nga 2000 m2, në 3500 m2. Kosto paraprake llogaritet rreth 6 mln Euro. Ky variant për shkak të zgjerimit të sipërfaqes me 1500 m2 do të kërkojë shpenzime shpronësimi. OSHEE parashikon 18 deri në 24 muaj për ndërtimin e nënstacionit.			
Lidhja me rrjetin e ujësjellësit	PO		Projekti i cili pozicionohet në një sipërfaqe prej 35 ha në njësinë administrative Kashar, Bashkia Tiranë dhe në zonën Yzberisht, Gropaj dhe Kashar, përkatësisht në zonat kadastrale ZK. 3866, ZK	Dokumentacioni i nevojshëm: Në zbatim të Urdhrit Nr. 473 datë 24.09.2018 , Nr.189 datë 27.03.2018 , përditësim i urdhrit 375 datë 24.05.2016: Leje Ndërtimi, leje Zhvillimi,	Afati kohor për realizimin e këtij projekti, nga momenti që disponohen të dhënat teknike, është rreth 4 – 6 jave investimi, dhe realizimi	Aktualisht mund të përcaktojmë vetëm Fondin Limit të projektit bazuar në sipërfaqen e parashikuar të tij, që ka vlerën 147 000 000 Lekë

			1867 dhe ZK 2105 ne momentin e përcaktimit të saktë të plan vendosjes së objektit dhe hartimin e projekt idesë se rrugëve brenda sheshit të ndërtimit, Ujësjiellësi merr përsipër të hartojë projekt-preventivin e furnizimit me ujë dhe kanalizime në këtë objekt investimi. Në projekt – buxhetin e vitit 2020 të shoqërisë është miratuar sipas Vendimit të Asamblesë së Aksionarëve të U.K.T sh.a , me Aksionar të vetëm Bashkinë Tiranë, me Nr.11 datë 20.12.2019 dhe ky investim nuk është parashikuar në këtë projekt buxhet, por UKT sh.a ka planifikuar në	Kërkesë për aplikim, Formulari tip a 3/1, Certifikatë pronësie, Akt – kontroll spostim rrjeti inxhinierik. Plan vendosje Objekti	i zbatimit mendohet të jetë rreth 4-8 muaj.	pa TVSH. Pasi të disponojmë të dhënat e para teknike që lidhen me plan vendosjen e objektit, sipërfaqen reale të zhvillimit etj, do të procedohet me përgatitjen e projektit teknik të furnizimit me ujë dhe kanalizime dhe të preventivit përkatës.
--	--	--	---	--	--	---

			plan biznesin e saj realizimin e këtij investimi , konkretisht në zërin: Ndërtim furnizimi me ujë në të gjithë zonën Industriale Tiranë – Durrës dhe zonat përreth me fond limit total 350.000.000 lekë. Fillimi i punimeve			
Ndërtimi i godinave të administratës, rrugëve të brendshme.			Zona ekonomike është parashikuar në Planin e Përgjithshëm Vendor. Do të disponohet: -Plani Arkitektonik -Projekti teknik inxhinierik dhe Preventivin përkatës Vlerësimet mjedisore. Të gjitha projektet e mësipërme, si pjesë përbërëse për studimin e vlerësimit financiar do të miratohen në			

			Këshillin Teknik dhe zbatohen. Planifikimi në buxhet 2021 Prokurimi i kompanisë ndërtuese, kolauduese. Fillimi i punimeve			
Përmirësimi i Tokës	PO					
Marrjen e licencave/lejeve/autorizimeve pas përfitimit të statusit “Investitor strategjik, procedurë e veçantë”.	PO			Ligjit nr. 10431/2011 “Për mbrojtjen e Mjedisit” i ndryshuar, Ligjit nr. 91/2013 “Për vlerësimin strategjik mjedisor”, Ligjit nr. 10440, datë 07.07. 2011 “Për vlerësimin e ndikimit në mjedis” i ndryshuar, Ligjit nr. 10463, datë 22.09.2011 “Për menaxhimin e integruar të mbetjeve” i ndryshuar.	Detyrimet që kërkohen sipas Shtojcave të Vendimit të Këshillit të Ministrave nr. 686, datë 29.7.2015 “Për miratimin e rregullave, të përgjegjësisë e të afateve për zhvillimin e procedurës së vlerësimit të ndikimit në mjedis (VNM) dhe procedurës së transferimit të vendimit e deklaratës mjedisore” i	30 deri 45 ditë

					ndryshuar.	
Depozitimi i mbetjeve inerte të gjeneruar për ndërtimin e projektit.	PO			VKM nr. 575 datë 24.06.2015 “Për miratimin e kërkesave për menaxhimin e mbetjeve inerte” dhe VKM nr. 452, datë 11.07. 2012 “Për Lendfillet e Mbetjeve”		

KRYETARI I KOMITETIT TË INVESTIMEVE STRATEGJIKE

KRYEMINISTRI

EDI RAMA